

衆仙讚頌靈章



衆仙讚頌靈章

青華救苦讚

早朝

天尊發願大悲心救苦方方化善因五嶽四
司皆稟命豐都北府盡停刑真符告下咸蒙
赦童子傳宣救罪人元始化身真妙相度人
无量道方成

午朝

天尊誓願度衆生說法裝嚴坐寶林獅子九
頭分瑞相慧光一照廓幽陰刀山劒樹皆摧

折火翳風雷悉罷停
无量大悲來救度
豐都地獄悉瞻聞

晚朝

天尊慧力拯含靈
救苦尋聲破鐵城
弘濟无边隨願度
光明普照達幽扃
慧風扇處炎煙滅
法雨沾時發朽榮
无量慈悲咸救度
亡魂俱得面慈尊

卷七

太真夫人贈馬明生辭

暫捨墉城內
命駕岱山阿
仰瞻太清闕
雲樓鬱嵯峨
虛中有真人
來往何紛葩
鍊形保自

然俯仰挹太和朝朝九天王夕館還西華流
精可飛騰吐納養青牙至藥非金石風生自
然歌上下凌景霄羽衣何婆娑五嶽非妾室
玄都是我家下看榮競子篤似蛙與蟆眄顧
塵濁中憂患自相羅苟未悟妙旨安事於琢
磨禍湊由道泄密慎福臻多

昔生崑陵宮共講天年延金液雖可遐未若
太和仙仰登冥仙臺虛想詠靈人忽遇扶桑
王九老仙都真駕駮紫虬輦靈顏一何鮮啓
我尋長涂邀我自然津告以鴻飛術授以玉

胎篇瓊膏凝玄氣素女爲我陳俯挹琳鳳腴
仰上飄三天雲網立爾步五嶽可暫旋玄都
安足遠蓬萊在脚間傳受相親愛結友爲天
人替即游刑對禍必無愚賢祕則享無傾泄
則軀命顛

養七

雲林右英夫人受揚真人許長史辭
駕欵遨八虛迴宴東華房阿母延軒觀朗嘯
躡靈風我爲有待來故乃越滄浪

騰躍雲景轅浮觀霞上空霄輶縱橫舞紫蓋
託靈方朱烟纏旂旄羽帔扇香風雷號猛獸

攫電吟奮玄龍鈞籟昆庭響金筑唱神鍾採
芝滄浪阿掇華八溟峯朱顏日以新劫徃方
嬰童養形靜東岑七神自相通風塵有憂哀
隕我白鬢公長冥遺遐歎恨不早逸蹤
停駕望舒移迴輪返滄浪末覩若人遊偶想
安得康良因候青春以敘中懷忘

控景浮紫煙八景觀汾流羽童捧瓊漿玉華
餞琳腴相期白水涯揚我萎蕤珠

滄房煥東霞紫造浮絳晨雙德秉道宗作鎮
真伯藩八臺可盼目北看乃飛元清淨雲中

視眇眇躡景遷吐納洞嶺秀藏暉隱東山久
安人事上日也無虛閑豈若易翁質反此孩
中顏

晨闕太霞構玉室起霄清領略三竒觀浮景
翔絕冥丹華空中有金映育挺精八風鼓錦

卷七

三

披碧樹曜四靈華蓋陰蘭暉紫轡策綠輶結
信通神交觸類率天誠何事外象感須覩瑤
玉瓊

三景秀鬱玄霄映朗八方丹雲浮高宸逍遙
任靈風鼓翼乘素飆竦眇瓊臺中綠蓋入協

晨青輶擲空同右揖東林帝上朝太虛皇玉
賓剖鳳腦嗽酣飛藥漿雲鈞回曲寢千音何
琅琅錦旂召猛獸華旛正低昂香母折腰唱
紫煙排棟梁總轡高
清闕解駕佳人房昔運
挺未兆靈化順氣翔心眇玄涯感年隨積椿
崇形垢甘臭味動靜失滄浪我友實不爾榮
辱昨已忘

絳景浮玄晨紫軒乘煙征仰超綠闕內俯眇
朱火城東霞啓廣暉神光煥七靈翳映沉三
燭流任自齊冥風纏空洞宇香音觸節生手

携織女儷併袷匏瓜庭左徊青羽旗華蓋隨
雲傾宴寢九度表是非不我管抱真樓太寂
金姿日愈嬰豈似憇穢中慘慘無聊生

四旌曜明空朱軒飛靈丘玉蓋陰七景鼓翼
霄上浮九音朗紫空玉璫洞太無宴詠三晨

宮唱嘯呼我疇不覺椿已來豈知二景流佳
人雖兼忘而未放百憂長林真可靜巖中自
多娛

北登玄真闕携手結高羅香烟散八景玄風
鼓絳波仰超琅園津俯眇霄陵阿玉簫雲上

奏鳳鳴動九遐乘氣浮太空曷爲躡山阿金
節命羽靈徵兵折萬魔齊挹二晨暉千春方
嬰牙喪真投競室不解可奈何

仰眇太霞宮金閣曜紫清華房映太素四軒
皆朱瓊擲輪空洞津總轡儻綠輶玉華飛雲

養七

四

蓋西妃運錦旂翻然塵濁涯儵欵佳人庭宿
感應真降所招已在冥乘風奏霄晨共酣丹
林嬰公侯徒眇眇安知真人靈

清晨挹絳霞總氣霄上游徊輶躡曲波遂覩
世人憂辭肯蔚然起不散三秀嶠何若巡玄

鄉撫璫爲爾娛君心安有際我願有中無
轡景登霄晨遊宴滄浪宮綵雲繞丹霞靈藹
散八空上真吟瓊室高仙歌琳房九鳳唱朱
籟虛節錯羽鍾交棲金庭內結我冥中朋俱
挹玉醴津倏忽已嬰童云何當路蹲憇病隨

日宗

晨遊太素宮控輶觀玉河夕宴鬱絕宇朝採
圓景華彈璫北寒臺七靈暉紫霞濟濟高仙
舉紛紛塵中羅盤桓囂藹內憇累不當多

駕氣騁雲輶晨登大滄丘絳津連岑振清波

鼓浚流步空觀九緯八綱皆已遊暫宴三金
秀來觀建志儔勤懈不相掩是以積百憂
凌波越滄浪忽然造金山四顧終日遊罕我
雲中人

紫闕構虛上玄館衝絕颯琳琅敷靈囿華生

卷七

五

結瓊瑤騁駟滄浪津八風激雲韶披羽扇北
翳握節鳴金簫鳳籟和千鍾西童歌晨朝心
豁虛無外神襟何朗寥迴舞太空嶺六氣運
重幽我途豈能尋使爾終不彫

玄波振滄濤洪津鼓萬流駕景眇六虛思與

佳人遊妙唱不我對清音誰可投雲中騁瓊
輪何為塵中趨

松栢生玄嶺鬱為寒林桀繁葩盛嚴冰未肯
懼白雪亂世幽重岫巡生道常潔飛此逸轡
輪投彼遐人轍公侯可去來何為不能絕

清淨願東山廕景棲靈穴惛惛閑庭虛翳蒼
青林密圓曜映南軒朱風扇幽室拱被閑房
內相期啓妙術寥朗遠想玄蕭條神心逸
縱心空洞津竦轡策朱輶佳人來何遲首德

何時成

寓言必可用不用是無情焉得駕欵跡尋此
空中靈微音良有旨當用慎勿輕事應神機
會保爾見太平

轡景落滄浪騰躍青海津絳煙亂太陽羽蓋
傾九天雲輿浮空同倏忽滄浪間來尋真中

友相携侍帝晨王子協明德齊首招玉賢下
眇八河宮上寢希林巔漱此紫瓊腴方知穢
途幸佳人將安在勤之乃得親

絳闕排廣霄披丹登景房紫旗振雲霞羽晨
儻八風停蓋濯碧谿採秀月支峯咀嚼三靈

華吐吸九神芒椿數無絕紀協日積童蒙携
袂明真館仰期無上皇北鈞唱羽人玉玄粲
賢衆終音云何波浪宇得失爲我鍾引領囂庭
內開心擬穢衝習適榮辱域罕躡希林宮一
靜安足苦試去視滄浪

養七

六

世珍芬馥交道宗玄霄會振衣尋真疇迴軒
風塵際良德映玄暉穎拔粲華蔚密言多償
福沖靜尚真貴恒當二象順携手同襟帶何
爲人事間日爲生患害

有心許斧子言當采五芝芝草不必得汝亦

不能來汝來當可得芝草與汝食

太極真人智慧經讚

學仙絕華念念念相因積去來亂我神神躁
靡不歷滅念停虛閑蕭蕭入空寂請經若飢
渴持志如金石保子飛玄路五靈度符籍

濟我六度行故能解三羅清齋禮太素吐納
養雲牙逍遙金闕內玉京為余家自然生七
寶人人坐蓮華仰嚼玄都棗俯含空洞芙蓉
顏曜十日奚計年劫多法鼓會天仙鳴鍾微
大魔

靈風扇香花璨爛開繁襟太真撫雲璈衆仙
彈靈琴雅歌三天上散慧玉華林七祖昇福
堂由此步玄音前世德未足斯經邈難尋信
道情不盡圖飛乃反沉太上無爲道弘之在
兆心

養七

七

學道由丹信奉師如至親揖景偶清虛孜孜
隨日新衆人未得度終不度我身大願有重
報玄德畢信然陰惡罪至深對來若轉輪
學道甚亦苦晨夕建福田種德由植樹根深
果亦繁子能耽玄尚飄爾昇清天修是無爲

道當與善結緣太上弘至道經書智慧篇拔
苦由大才超俗以得真靈姿世所竒燁若淵
中蓮

人行各有本皆由宿世功立德務及時發願
莫不從善惡俱待對倚伏理難窮賢士奉法
言道德在兼忘解是大智慧上爲太極公寶
蓋連玉輿命駕御九龍金華擎洞經捧香悉
仙童嘯歌徹玄都鳴玉叩瓊鍾

吳子來寫真讚

不才吳子知命任真志尚玄素心樂清貧涉

歷群山脩然一身學未明道形惟保神山水
爲家形影爲隣布裘草帶鹿冠紗巾餌松飲
泉經蜀過秦大道杳冥吾師何人矚念下土
思彼上賓曠然無已罔象惟親

終日草堂閑清風常往還耳無塵事擾心有

翫雲閑對酒惟思月餐松不厭山時時吟內
景自合駐童顏

此生此物當生涯白石青松便是家對月臥
雲如野鹿時時買酒醉煙霞

寂爾孤遊脩然獨立飲木蘭之墜露衣鳥獸

之落毛不求利於人間絕賣名於天下此山
居之道士也題罷振衣理策而去莫知所在
焉

仙人貽白永年辭

清秋無所事乘霧出遙天憑仗樵人語相期

卷七

白永年

李公佐仙僕詩

我有衣中珠不嫌衣上塵我有長生理不厭
有生身江南神仙窟吾當混其真不嫌市井
誼來救世間人蘇子跡已往顓蒙事可親莫

言東海變天地有長春

攄浩然泛虛舟辭遺藥渾之醑

行時雲作伴坐即酒爲侶腹以无化充衣將
雲霞補紂虐與堯仁可惜皆朽腐

檝棹無所假超然信萍查朝浮旭日輝夕蔭

清月華營營功業人朽骨成泥沙

得飲攄公酒復登攄公舟便得神體清超遙
曠無憂

靈響辭

此響非谷響心知是靈仙不曾離耳裏高下

如秋蟬

入夜聲則勵在晝聲則微神靈斥衆惡與我
作風威

妙響無住時晝夜常輪迴那是偶然事上界
特使來

養心

九

何以辨靈應事須得梯媒自從靈響降如有
真人來

存念長在心展轉無停音可憐清爽夜靜聽
秋蟬吟

衆仙步虛辭

飄飄上雲路黯黯入長霄星宮日去遠光陰
劫數遙仰德金顏隱傾想佇神颯願得映霞
軫焚香稽首朝

玄風轉飛蓋紫氣汎仙車浮空不待駕合忽
昇虛无徘徊哀下界顧盼愍群諸三元真化
畢備然入太虛

萬氣浮空上千光合太微霄間望華蓋虛重
眇霞衣真儀入雲路圓曜逐風飛願得三元
會金容乘運歸

吉光騰紫氣霄路逸丹天旛颺香風轉蓋動

超浮煙道中還復道玄中已復玄真光不識
際大道竟無形法輪常自轉希音不可聽空
閑待三寶虛中聞洞經七變遊魂反萬氣駐
頽齡

香風飄羽芒血遊氣轉颯車泠泠上雲路窈窕
入長虛顧愍埃塵子應運演靈書妙果諧今
日冥契自然符

齊王身青童大君常吟

欲植滅度根當拔生死栽沉吟墜九泉但坐
惜形骸

南嶽夫人作與許長史

靈谷秀瀾縈藏身棲巖京披褐均袞龍帶素
齊玉鳴形盤幽遼裏擲神太霞庭霄上有陞
賢空中有真聲仰我曲晨飛案此綠軒軒下
觀八度內俛歎風塵縈解脫遺波浪登此眇
眇身憂竟三津竭奔馳割爾齡

養七

十

南嶽夫人作

玄感妙象外和聲自相招雲書鬱紫晨蘭風
扇綠輶上真宴瓊臺邈爲地仙標所期貴遠
邁故能秀穎翹翫彼八素翰道成初六遼人

